

STEPHANI DE CHALMETO / Fr.
CARTHUSIÆ PORTARUM MONACHI
Étienne de Chal-
me).

DE PERSEVERANTIA ORDINIS

AD NOVITIOS S. SULPITII ORD. CISTERC.

(Ex codice ms. S. Augendi Jurensis seu S. Claudii.)

Dilectissimis in Christo fratribus, Bonomico, et sociis ejus apud Sanctum Sulpicium in annua examinatione positis, Stephanus de CHALMETO, Spiritu principali confirmari.

Quidam amici vestri rogaverunt me (supra id quod non fortasse me existimantes) ut ad confirmandos, sive confortandos vos, quam possem operam impenderem. Unde ego volens non tam subvenire necessitatibus vestris, quam non deesse charitati, cum Dominum priorem consuluisse, visum est ei ut haec schedula meo nomine ad vos dirigeretur. Igitur non ego tanquam emeritus militis veteranus, tyrones instruo, sed quasi miles adhuc ad nova bella rudis, quæ ad meam, sicut ad vestram æque vel confirmationem vel exhortationem valeant, profero. Debemus ergo, tani ego quam vos, divinæ circa nos misericordiae opera sollicita pietate considerare. Primum quidem, quod non conclusit nos in manibus inimici, sicut inverueramus, ut (juxta quod scriptum est [Apoc. xxi, 11]) qui in sordibus eramus, adhuc sordesceremus; sed contra merita nostra, non solum misericorditer, verum etiam potenter eduxit nos de lacu miseriarum, et de luto fæcis, ubi jacebamus. Deinde quod tantam nobis sobrie et juste, et pie vivendi opportunitatem concessit; præveniente nos gratia sua, ut non faciliora et leviora quæque pusillanimitatis spiritu eligerenus, sed eam potissimum serviendi Domino viam, constanter aggredieremur, quæ quanto arctior, tanto ad salutem certior, quanto magis ardua, tanto securior, et ad pervenientum compendiosior. Pro quibus omnibus debitam quotidie gratiarum actionem ei, qui nos vocavit exhibentes audiamus Apostolum dicentem: *Hortamur vos ne in vacuum gratiam Dei recipiatis* (1 Cor. vi, 7). In vacuum gratiam Dei recipit quisquis prout ab eo præparationem sive opportunitatem accepit gratiæ Dei, non operatur. In vacuum etiam gratiam recipit, qui missa manu ad aratum retro respicit (Luc. ix, 62), quales (dicente Domino) non sunt digni nec apti regno Dei: *habentes* (juxta Apostolum) *damnationem, quoniam primam fidem irritam fecerunt* (1 Tim. v, 12). Cum magno pondere et tremenda divinæ vocis denuntiatione dictum est: *Memento uxoris Loti* (Luc. xvii,

A 31). *Noli retro respicere*, ait angelus ad Lot, *nec steteris in omni loco circa regionem, sed in monte salvum te fac* (Gen. xix, 17). Qui vocante nos divina gratia montem concendimus, id est, arduum atque supremum virtutis atque justitiæ iter arripimus, (*Justitia, inquit, tua sicut montes Dei* (Psal. lxxv, 7) non debemus ad compestrâ regionis descendere, id est, ad faciliora qualibet et minus laboriosa declinare, ne forte involvant nos incendia Sodomorum, aut ne sicut Abel a Cain, ita nos a diabolo trucidemur. In campo quippe Abel occisus est. Campus autem est lata et spatiovia, que ducit ad mortem et perditionem. Licit ergo mors Abel pretiosa fuerit in conspectu Domini, non incongrue tamen eorum exitium intelligitur significare, qui nihil arduum vel laboriosum aggredientes, in campo, id est, in lata mundi via a diabolo perimuntur. Ait ergo Dominus ad Moysem: *Non coques hædum in lacte matris sue* (Dent. xiv, 21). Nomine igitur hædi, intelliguntur peccatores. Hædi quippe ad sinistram in judicio stabunt, et in lege bircus pro peccato jubetur offerri (Lev. xxiii, 19). Lac vero matris est facilior Ecclesiae doctrina, secundum quam merito permittuntur vivere, qui nulla gravia delicta commiserunt. Nos ergo quanto minus abstinemus ab illicitis, tanto justius nobis amputavimus licita, ad lac matris Ecclesiae pertinentia: ut dignos penitentia fructus faciendo, veniam a Domino et misericordiam consequamur. Igitur juxta apostolicam exhortationem, videamus, ne forte sit in aliquo nostrum cor malum incredulitatis, discedendi a Deo vero et vero (Hebr. iii, 12): sed adhortemur nosmetipsos per singulos dies, ut non obduretur quis ex nobis fallacia peccati. Si non capiant nos blandimenti, quæ suggestor tentator, ut seducat: si non terreat nos ea quæ difficilia et intolerabilia esse proponit, ut frangat; adjuvante Domino, qui refugium factus est nobis, facile omnes temptationum laqueos superabimus. In ipso enim sperantes non infirmabitur, nec delinquent omnes, qui sperant in eo. Fidelis namque, qui non patietur nos tentari supra id quod possumus; dicente Apostolo: *Patientia vobis necessaria est, ut voluntatem Dei facientes, reportetis*

promissiones (Hebr. x, 38). Per patientiam igitur curramus ad propositum nobis certamen (Hebr. xii, 1): recognitantes quantum pro nobis, et patientiam, et obedientiam usque ad contumelias et mortem crucis, exhibuerit Christus; ut non fatigemur animis nostris desipientes. Non enim dictum est, qui coepit, sed, qui perseveraverit usque in finem, hic salvus erit (Matth. x, 22). Cum autem ipsa infirmitatis nostrae experientia doceamus quam vera sit illa Domini sententia, qua dicit: *Sine me nihil potestis facere (Joan. xv, 5);* cum misericordia ejus prævenierit nos, certum est quod ipse non subtrahet nobis auxilium gratiae suæ, nisi ipsi prius subtraxerimus nos. Unde in persona ipsius Domini dicit Apostolus: *Iustus autem meus ex fide vivit (Hebr. x, 38). Quod si subtraxerit se, non placebit animæ meæ.* Mox vero ex sua et electorum voce subjugens Apostolus: *Nos, inquit, fratres, non sumus subtractionis filii, in perditionem, sed fidei, in acquisitionem animæ (ibid., 39).* Quibus verbis satis terribiliter insinuavit, qui sint filii subtractionis, eos esse etium filios perditionis. Nisi autem cum debita perseverantia digne ambulaverimus vocatione qua vocati sumus, dicente apostolo Petro: *Melius erat robis non cognoscere viam iustitiae, quam post cognitionem retrorsum converti (II Petr. ii, 21).* Unde etiam Salomon: *Sicut canis qui revertitur ad vomitum, sic imprudens, qui iterat stultitiam suam (Prov. xxvi, 11).* Atque iterum: *Vir qui erraverit a via doctrine, in cœtu gigantium commorabitur (Prov. xxi, 16).* Hic vero nomine gigantum, superbi, atque a Deo alieni, vel dæmones, vel homines significantur. Quia vero quidam cum ad nostrum vel vestrum propositum, venerint, solent vel de nostro ad vestrum, vel de vestro ad nostrum suspirare; ne vero et nobis hujusmodi suggestionibus tentator illudat, audiamus Apostolum dicenteum: *Unusquisque in qua vocatione vocatus est, in ea permaneat (I Cor. vii, 20).* Unde Salomon: *Sicut avis transmigrans de nido suo, ita et vir qui relinquit locum suum (Prov. xxvii, 8).*

A Et iterum: *Si spiritus potestatem habentis ascenderit super te, locum tuum ne dimiseris (Eccli. x, 4).* Quoniam autem abundante iniuitate refrigescit caritas multorum, et quidam a serpente seducti, et a vestro et a nostro proposito resilientes, plus innocent scandalo quam profuerant exemplo (non fornidentes illam dominicas denuntiationis tremendum, terribilemque sententiam qua dicitur: *Væ homini per quem scandalum venit (Matth. xviii, 7);* cavere valde debemus ne plus perturbet nos paucorum retro abeuntium levitas, et inconstantia, quam confirmet multorum perseverantium gravitas et constantia. Imo vero sicut debet nos roborare honorum perseverantia, ut perseveranter atque viriliter stemus; ita debet nos cautos et sollicitos reddere perversorum apostasia, ne cadamus. Et juxta Domini vocem in Evangelio, *sicut novissima nostra deteriora prioribus (Matth. xii, 45).* De cætero Scripturis sanctis legendis, audiendis, meditandis, aure fidelissima debeamus intendere, et quidquid in eis invenerimus, de destruenda per humilitatem superbiam, de superanda per mansuetudinem et patientiam lenitatem irascencia vel impatientia, de fuganda per servorem spiritus torporis et teporis negligenter, de repellendo per benignitatis gratiam livore invisa; de calcando per testimonium conscientie appetitu inanis gloriae, de orationis instantia, de jugi cordis et oris custodia de apprehendendis qualior virtutibus, prudentia, temperantia, fortitudine, et justitia; de observanda in incessu, in silentio, in colloquio, in omni statu et actu, gravitate et modestia; de vitando per sincera obedientie subjectionem, in obedientie malo, de apprehendendo debite cum pio profectu perseverantie bono; postremo de ea, quæ est omnis consummationis finis et legis plenitudo, charitate; debet quotidiani coram Deo profectibus et incrementis, in conversatione et moribus nostris apparere. Valete. Vestrī et totius sancti conventus orationibus, per interventionem vestram me commendabo.

EPISTOLA ALEXANDRI PAPÆ III

Ad Arthaudum priorem Alveriæ, de schismate illius temporis.

(Ex Archivo domus Alveriæ, ordinis Carthusiensis.)

ALEXANDER episcopus, servus servorum Dei, dilectio filio A. prioris Alveriæ salutem et apostolicam benedictionem. Dum piam simplicitatem, etc. (Hanc epist. vide inter opp. Alexandri PP III.)

APPENDIX.

Probationes eorum continens quæ de tribus Bernardis Portarum prioribus, et his illigato Nantelmo, in præstatione ad lectorem disputata sunt.

I. — Rainaldus reclusus Sancti Ragniberti, circa annum Christi 1134.

(Ex tabulario Carthusie Majorevi.)

Guiso de Aranda omnem columnam quam fratribus Majorevi faciebat super pascuis eorum dero-

liquit: juravitque in manu Rainaldi reclusi Sancti Ragniberti, Adelem eis adjutorem et amicum fore. Et inde habuit tres solidos, duodecim nummos, et septena denarios. Testes Bernardus Portarum prior, Hugo procurator Majorevi, et Donatianus monachus Sancti Ragniberti.

II. — Bernardus de Portis, prior Portarum ex episcopo Bellicensi, anno Christi 1147.

(Ex tabulario Carthusiae Majorevi.)

BERNARDUS de Portis, Portarum prior dictus, in Christo dilectissimis HUMBERTO priori Majorevi, et fratribus ejus salutem et omne bonum.

Notum sit vobis quod G. de Benuntia laudavit quidquid pater suus vobis perpetuo concesserat in monte de Chevillaco, ad meam requisitionem cum adhuc Bellicensis episcopus forem. Promisit pariter idem Geraldus vobis omnem fidelitatem et manutentionem canitis diebus, sicut pater suus promiserat. Hoc autem factum est in Ecclesia nostra, die sancti Thomae apostoli, anno Christi millesimo centesimo quadragesimo septimo, coram toto conventu nostro, et Paulo et Antonio los Forts domicillis, et Petro Moschet de Latiniaco.

III. — Nanthelmus episcopus Bellicensis, qui vulgo Antelmus, ad annum Christi 1164.

(Ex tabulario Carthusiae Majorevi.)

Ad concordiam et pacem futurorum, ut quietius in silentio vivant, placuit antiquis res gestas litteris memorie commendare. Noverit igitur quicunque hanc chartam legerit vel audierit, quod ego Nanthelmus humilius Bellicoensis ecclesiae episcopus, ad dominum venerum Majorevi, ob quasdam calumnias quae ehortae fuerant inter dominum illam et milites de Rubemonte; inter quos pax hec modo Deo largiente reformata est. Remota siquidem omni querela, et sedato omni rancore et discordia, concesserunt et libere dederant dominus Willelmus et dominus Garnerius cum filiis suis, pro se suisque omnibus vivis et defunctis, fratribus Majorevi omnia quae ab ipsis vel antecessoribus domo vel pretio acquisierant, et quibus ipso die investiti erant. Terras scilicet et nemora, pascuarum usum per omnem terram quae infra eadem continetur pascua: ita ut nullam personam coiisque ordinis vel religionis, in terra predicta ad habitandum suscipiant, imo suscipere voluntibus pro posse suo omnino resistant. Excepto quod dominus Garnerius in villa de Mionz, in eo quod suum est, religiosos quos voluerit potest suscipere ad habitandum; non ad pascua eremitis data devastanda, nisi quantum ad ipsam villam pertinet: ubi etiam pecoribus Majorevi transitus non negatur. Praeterea omnia quae fratrum Majorevi sunt, in manutencionia et custodia sua suscepserunt; euntibus et redeuntibus ad dominum supradictam, firmam de se suisque hominibus securitatem dederunt: et si quam aliquando injuriam sapedictis fratribus, vel ad se venientibus, vel redeuntibus fecerant, veniam suppliciter postulaverunt. Haec quae dicta sunt fideliter intellexi, promiserunt et juraverunt in manu nostra dominus Willelmus de Rubeomonte, et filii ipsius Willelmus et Aimo, dominus Garnerius; et filii ejus Willelmus, Guiffredus, Garnerius, Gauceraonus. Laudantibus etiam idipsum uxoribus eorum, quae ad eremum venire non poterant. Definita vero sunt haec apud Majorevum, in domo inferiori, anno

A ab Incarnatione Domini millesimo centesimo sexagesimo quarto. Interfuerunt autem hunc determinationem mecum hi. Guillelmus capellanus noster, monachus Portarum. Magister Anselmus canonice Bellicensis, Andreas etiam Sancti Selpici monachus, et Willeneus monachus. De Majorevo Humbertus prior, et Hugo procurator, conversi, Beatus, Philippus Girardus, Willelmus: sacerdotes tenuares, Vicardus de Balmeto, Jordanus et Willelmus de Breuno, Hubertus de Barco, Dua et Johannes de Isinana. Milites vero Hugo et Vicardus de Balm, Alardus de Biliniaco, Garnerius de Balmeto, Jordannus de Camberiaco, Ercardus de Martinaco, Jordanus et Aimo de Enflasol. Fuit etiam ibi Guido praepositus Bellicensis, Lambertus clericus, et Pocius frater ejus de Balmeto, Willelmus palicinus de Nantuaco. Sciendum vero est quod pro predicta concessione et donatione, Willelmo de Rubeomonte condonatae sunt sex librae Gebennensium. Filii etiam domini Garnerii supradicti in conventa monachorum laudaverunt quae predicta sunt, et habuerunt inde ferme quadraginta solidos Gebennensium:

IV. — Origo castri Majorevi in valle de Meria, ubi nunc Carthusia ejusdem nominatur.

(Ex tabulario Carthusiae Majorevi.)

RAINALDUS Dei gratia primae Lugdunensis Ecclesiae minister humilis.

Notum facimus universis, quod nos vidimus, et de verbo ad verbum legimus diligenter quasdam litteras, sanas, integras, non rasas, non violatas nec corruptas, sigillo aureo perantiquo manitas, quem tenor talis est: *Noverint omnes presentes et futuri quod Valentianus imperator anno decimo regni ejus concessi Majorevo ejus cubiculario, quidquid ei antea dederat in montibus et vallis, prope vallem Helnonis, prope vallem Michaliz et prope montem del Cambes, cum omnimoda potestate alta et basse; domos, turres, castra et urbes construendi, leges condendi, propria numismata fabricandi, et ita agendi ut si esset imperator. Eo quod ille maluit oculo orbis dextro, quam clavim cubiculi imperatoris tradere arbogasti hosti. Apud Iserniores Kulendis Aprilis. A tergo autem haec scripta erant. Majorevus edificari uita del Balmeto, a qua nomen est sortitus, et castrum proprio nomine ab ipso vocatum Majorevum in valle de Meria, dicta a fustis arborum evulsarum, ad roccenda latrocinia Jovini Popae nefarii et feroci templi Montisægrorum. Genuit Majorevus Ginioldum del Balmeto post triginta septem nepotes ab ipso directe descendentes, Ginioldus Pontium procreavit, Pontius vero Riboldum, Riboldus Nortboldum. Nos vero ad preces Aimonis domicilli del Balmeto, presentes transumptum fecimus signari sigillo nostro, non quam conveniens cum originali. Testes fuerunt. Willelmus de Colonia, Albo de Monte auro, G. poenitentiarius, Le. senescalculus reectorii. Datum anno ab incarnatione Domini 1213, mense Aprili, cum sigillo ejusdem pontificis.*